



Siamsin Bulletin

A SIAMSINPAWLPI JOINT HEADQUARTERS DELHI PUBLICATION

vol XXIII Issue no. 10

For Private Circulation Only

July 15, 2018

KILAMLAHNA VAIGUAN

'KILAMLAHNA VAIGUAN' kichi solkar a sepna det muhsawm a lungluttak a pang siamsinte adia kilamlaahna hun SSPP JHQ Delhi' saina in ni khatkia mai hilou in kiginni sun hunte alemtang bang in dakkal 3 sung khawngzel Resource person dingte hun neihdan enkawm in kiginni ngen ni 9 sung neihdang a geel ahi.

Hiai kilamlaahna hun a tel utte adi'n sapna registration form kibawl hi. Registration bawl khalou hinapi amun hong naihte leng kipahpih veve in; Program 23.6.2018 apan kiginni teng a neih ahi a, kiginni li kizangkhinta hi.

Resource person ding in i suan mahmahte bang kichial hi. Tu tantan in Nu Grace Don Nemching, Nu Grace Siamlianvung, Upa L. Ngulminthang, Pa Haulianlal Guite, Nu Nemngaihkim, Pa Songlianhuam Tonsing resource person in pang uhi, maban ahle resource person in mi tuamtuam pangding uhi. Resource person-te'n amau hunlai a ana thiltuahte uh pansan kawm in deihsakna lianpitak toh kilamlaahna (guidance) manpha taktak hon genkhezel uhi. Honorarium, gift genlough, refreshment natan bangmah kipe kei mahleh resource person-te'n awlmohna leh deihsakna lianpi nei in paiman mahni kisen in hong kuanzel uhi.

Kibulsutna lam tuamtuam - Delhi a om naziak, career choice ah tup kichian neih, mahni' hihtheihzawng leh bahna/panpih ngaihna area theih, sepna zonlai a kihelna tuak leh kihpekhiatsan poimohte ban ah kihatsona leh challenge hunte a zat ahi. Solkar a sepna muhtheihna exam tuamtuam - UPSC, SSC, Parliament, Banking, Railway, addg. a poimoh English, Reasoning, General Awareness, Maths & Numerical Ability chihte taklat inleng om hi.

Hiai hun a kingaipomoh ahihleh kilamlaahna kiamai hilou in kihanthawna leng ahi. Mathematics, numerical abilities leh English focus in ni khat pumlum tuak zat hi a, maban ah General Awareness, Reasoning leh Constitution and Parliament focus in ni pumlum zattouh laiding sawm ahi. A lunglutte adi'n teltheihlai hi.

~ Co-ordinator

DU ADMISSION PAILEL

Delhi University nuai a UG Admission paillel a, tuni chiang in 5th cut-off tan suahkhiat hita hi. Seat awn dungzui a cut-off hong ki behlap ding chih hi a, University thusuak dungzui in Special Drive (Request for Rectification of Categories) July 16 & 17 ni te a neih hiding a, 6th cut-off ahihleh 18 July a suahkhiat hiding hi.

PG leh M.Phil/PhD entrance examination result leng a suakpawl omta a, a biktak in PG admission toh kisai a University thusak kimu dungzui in Merit based a admission zongte ading in ahongtungding 17 to 22 July sung in PG Admission portal ah qualifying examination mark update ngai ding chih ahi. PG ading First Admission/cut-off list ahihleh 25 July ni a suahkhiat hiding hi.

University thusuak a vangkim a hong omtouzel ding ahiman in, Admission zonglel te adi'n University website a vangkim a lutzel hoih kha ding ahi.

SIAMSIN CONFERENCE

Tukum in ina ngaklah mahmah Siamsin Conference 2018 Thupi leh Nop thei tawp a zat kisawm hi. Ahun leh mun ding ngaihtuah in SSPP JHQ Delhi Heutu te leh Advisor te'n nasatak in panla leh uhi.

Tutung Conference neihna ding ah Fresher te Welcome na leh Pulaakna, Siamsin Toppers Award tuamtuam leh Lasa Siam minthang bangzah hiamte apan Lasak ngaih khatna hun nuamtak aki gawm in ki neihsawm hi.

Siamsin member ziaak/san tuamtuam a Delhi hongpaithak te adi'n leng minkhumna/registration tunung sawtlou in kipanpah ta ding hi.



KILAMLAHNA VAIGUAN
(NIKHATNI - 23.06.2018)

DELHI KA TUNTUNGLAI LEH TU HUN!~ *Hau Tunglut*

Flight a Delhi tual lenglut ziahziah, mobile-gatget hoih mahmah te tawi, AC/Cooler vottak nuai a laisim, Delhi Metro vot dimdim sung a tuang hiauhiau, College admission online a zong ziahziah chihte 'kahase' hilai.

Naichik 2003 ahi, kum 15 paipan. Tu hun toh teh in Siamsinna leh teknoloji a khep tampi in kikhai ta hi. Huih-sa-khawlum kawmkal ah laisim a tut ngitngit sang in khawlum toh kibeihna nasa thei mahmah hi.

Laisim kipat taktak ding i ngimngim sung in kha nih kha thum ana pailiam man. Lamka khopi toh teh in 'social obligation' ana tamlou, laisim ding thathoutak a iki patkhiak guih leh thildang hon subuaithei a tawm mahmah lai hi.

Zalen kisa nuamtal ding a Delhi khopi tual lut hivetlou, haksatna chou ding a 'Lametna Tullou Khopi' 'City of Opportunities' lut hivet, kuhkalna leh chihtakna toh panla dia kisa siamsinte a ding in bel, nui hiau hiau kawm a kholum suukpi kumkhat thuak mualsuah kichi mitphiatkal ahi. Lohchinna gah khum lametna toh a man pengam te a ding biik in 'beating the heat is as easy as A AW B'. Kum khat i thuakzoh nung in a kum nawn tuh mitsitsa lah ahi ngal a.

Khatveivei khualum a nasatluat hun in nungtolh lungkiakna buannoi ah tumtheih tham. Ticket lak a mahni innlam pai vengveng ding lunggulh hun om tham. Himahleh, hiai khemna thang a pat suakta te tuh California a taksing huihpi in a sawitak (hardened) te bang in, zatham leh zattak a hihkhauh gou manpha toh kateh hi. Haksatna tampi thuak mualsuah uh hiven.

Tu hun in: Haksa kichi haksa denlou, haksa om masalou in lohchinna omlou, lohchinna kichi 'struggle', thathohna leh kipumpiakna, hun a pammaiha, siamsinna kichi a thahatdan leh thilhihtheihdan lungtang a vom chinten siamsinte hun ah i ding ta.

Mahni mohpuak theilou, laisimlou a zalen tak a hun zangthang maimai, kholum ziak a laisim thulh gige chihte hun teknoloji ziak in i paikheng ta. Mahni angung khual tettet, siamsinna mah poimoh ngaih, gam leh nam itna, gam kepna, khosuahna leh gual phakna kichi *SIAMSINNA* mah ahi chih phawk tinten siamsinte ihita.

Teknolozi 'super highway' hun ah, khuttal muk a sut 'social media' in vai a hawmna hun ah. A zang siamsiam hampaha, a zangkhial te a ding a lohsapna kokhuk, a zangdik te a ding a lohchinna rose pak gimlim leh pilna nak ahi chih siamsinte i chiang mahmah ta uhi.

(*aban next column ah*)**SIAMSINPAWLPI****Membership Fee 2017-2018**

Member pih aneu alian navek un Siamsin Chibai!

Siamsin Pawlpi Dan leh Dun zui in member hihna a kum khat a sum piakzel Membership Fee Area Secretary muanhuai leh fel taktak te'n sawtlou nung in hong dong ding ua, Membership Fee mi khat zel a Rs.100 (per head) hi ding hi.

Member pih Nu leh Pa, U leh Nau kuapeuh mah in Area Secretary te ana kithuahpih a ana pe siausiau ding in i zahtak i Pawlpi min in kahon ngen ahi.

Nou toh semkhawm,

Paubiakmuang Guite
Secretary, SSPP JHQ Delhi

TAMCHON TOURNAMENT

Joint Meeting SSPP JHQ Delhi Cabinet leh Advisory Board hoihsakna bang in Tukum Tamchon 2018 a tel nawn kisawm hi. Tutan in Champion hihna kilazou naikei mahleh tukum in tuh kum dangte sang a nasa zawsem a panlak thak kisawm in Champion hih ngeingei ki sawm hi.

Hiai ding in akisaipih hetute'n panlakna ana pankhin tham ta uhi.

(*sutzopna*)

"Mahni kizil siamlou tuh khovel khantouhna in taisan ding ahi" chi in, lam chituam tuam a siamsinna a kitaiteh in iki siak thei mahmah ta uhi.

Huaiziak in, tu hun i siamsinna khawvel bang i loh a? 'Survival of the fittest', chin-le-ha suang a 'siamsinna mah awle!' sumkuang chiangkeih, tuidawn a dawn, ann nek a ne te kia suahtakna hun ah i dingta. Lehkha a simtam ziak a mihai, damdoi in puaklut a om naikei. Lohchinna rose pak gimlim lohna ding in leilawn a thawn a om naikei, pumpehna leng bawl ahi naikei.

Huaiziak in, hat-le-hangsanna toh siamsin ding a Delhi tual puaktung ka hih a, ka deih zahzah lai simthei ding a thuneihna nei kahih ngal leh, koi ahia, 'Ngal hapaksa tumkiklou e' 'Siamsinna leh Vakiang bu!' Tutkhwallou siamsin khaubang sut mah awle!! Chithei te hun a hita!!

Sky is the limit!

.....